

# Escena Apache

## Planeta Joselín

---

FICHA TÉCNICA Y ARTÍSTICA

**Direición y dramaturxa:** Marga Llano

**Intérpretes:** Alberto Rodríguez, Jorge Moreno y David Soto

**Iluminación:** Rubén Rayán

**Escenografía:** Verónica García Ardura

*Duración aprox.: 90 min.*

*Planeta Joselín* ye, perriba de too, una comedia asturiana. Queríemos facer una obra de tipu *costumista*, en cuantes que tratare de los vezos y costumes de les persones que vivimos n'Asturies, pero tamién queríemos dar con una *fórmula nueva*, que viniere a dar frescura y aire contemporáneo a un tipu de teatru que, per otra parte, siempre contó col sofitu del públicu asturiano.

Dicho en poques pallabres, una comedia pa que la xente asturiano se ría a gustu de les cuestiones del nuesu día a día, con situaciones, carauteres y referentes perfeutamente reconocibles pa cualquiera.

El resultáu ye una pieza bastante allocada qu'acabemos calificando como de *costumismu punk*, porque, aunque trata una temática y unos conceutos típicamente asturianos, allóñase del xéneru tradicional en cuantes a les ubicaciones (pasamos de la contorna rural de les antigües comedies a la típica villa asturiana con situaciones modernes: una casa del *Tocote*, la pista finlandesa, una cai, un campu fútbol, un concierto de Bon Jovi...), la tipoloxía de personaxes (un prexubiláu, un rapaz qu'estudia nuna escuela taller, ames de casa modernes, el *heavy* del pueblu, un árbitru de tercera...) y la problemática de los mesmos.

La obra cuenta con dos llinies d'aición:

- Per un llau, la hestoria d'un rapaz, Joselín, que vive colos pas, Enedina y Claudio, en *Tocote*. Joselín estudia na escuela taller y ta namoráu d'una moza del llugar llamada Leyre. Pa conquistala, contará col sofitu de los sos collacios (Amador y Titín) y colos inestimables consejos del pá.
- Paralela a esta hestoria, el públicu va descubriendo otra muncho más truculenta. Y ye qu'Enedina, la ma de Joselín, escuende nel so pasáu un escuru secretu al qu'agora tendrá que s'enfrentar y que, nel escenariu, propiciará un refileru d'asocedíos disparataos. Tenemos hasta un malu permalu llamáu Pandiella (José Marcelino Pandiella, semi-cazurrú, más conocíu nos campos de rexonal como "La perla d'El Bierzo").

Alvertencia: Esta obra inclúi un aseniatu involuntariu, un derbi rexonal qu'acaba col árbitru en ríu, una tortiella francesa de *lexatinos* y hasta media *docenina* de frixuelos...